

• آئونه شرائطی

داخلی، خارجی، هریر ایچون
سنه لکی (۲۵۰)، آلتی آیانی
(۱۳۰) غروشدور.

نسخه سی ۵ فروش،
سنه لکی ۵۲ نسخه در
اداره خانه

باب عالی تجاده سنده دائره مخصوصه
اخطارات

آئونه بدلی پشیندر

مسئله موافق آثار مع الممنونیه
قبول اولتور، درج ایدلهین
پازیر اعاده اوکونماز

المجله

سیر ۶ ۱ ۳ ۳ ۱ ۳ ۱

دینی، فلسفی، علمی، ادبی هفته لق مجموعه اسلامیه در

باش محرر صاحب و مدیر مسئول

اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد: ۴۴۳

۱۳ محرم ۱۳۳۸

پنجشنبه

۹ تشرین اول ۱۳۳۵

جلد ۱۸

— دوت یوزی ؟

— آلدیم یوق ! یاشاسین ازمیرک اعلا اوزوی !

هم اوجوز ، هم دها لذتی ..

— چکردکسزده .

— بویورک !

— باشلا جام ، واری مراسم بزده !

— خواجهم ، اولجه اوزوم چیکنه نه جک ، اوستنه جای ..

— ایچلم عشقه رندان خدانک ..

— های های !

محمد عاکف

— امین !

نرده سین؟ باتسه کا، چای دملیه جکلردی دمین .

— دمله مشلر ، بابا ..

— سن کسه که ، اوغلم ، بورایه .

ال اوپرلردی اونوندمکی ؟

— خاییر !

— اولدیمی یا ؟

— دمین اوپدم بابا !

— اوپدکی ، کیت اوپله ایسه هادی ..

هله یا ربی شکر جای ده نهایت کلدی !

شکر ایسترسه ک اگر بولدورم ؟

اسرار قرآن

بسم الله الرحمن الرحيم

واذقلنا ادخلوا هذه القرية فكلوا منها حيث شئتم رغداً
وادخلوا الباب سجداً وقولوا نغفر لكم خطاياكم وسنزيد
المحسنين. فبذل الذين ظالموا قولا غير الذي قيل لهم فانزلنا على الذين
ظالموا رجزا من السماء بما كانوا يفسقون.

حضرت موسی ایله قومی فرعونک شرندن قورتوله رقی طورده
عازم اولنجه ارض مقدسه یه طوغرو حرکت ایتلری امر اولنشدی .
حضرت موسی نک بنی اسرائیل ارض مقدسه یه کیرمه لری اخطار
ایتمی اوزرینه اونلر اوراده جبار برقومک بولندیغنی و بونلر اوراده
بولندقجه اورایه کیرمه جکلری ، بناء علیه موسانک الالهیه رلیکده
کیدوب اونلرله حرب ایتمی طاب ایتشدیلر . بونک اوزرینه حضرت
موسی کنندیسیله قرداشندن بشقه برشیته مالک اولمیدیغنی بیان وبوفاسق
جماعتدن تفریق ایدیلری جناب حقدن نیاز ایتدی . جناب حق ده
ارض مقدسه یی بنی اسرائیل قرق سنه حرام ایدرک آنلری پر یوزنده
پریشان ییراقدی .

حالبوکه اونلر کناهلرندن توبه ایله اوامر الیه یه انقیاد و اطاعتلری
بیان و ارض مقدسه یه کیررکن ایچنده کی جبارلرک سقوط و هزیمتدن
بشقه برعاقبتیه دوچار اولیه جکلری ال بوکسک سسلریله اعلان ایتمش
اولسلردی اوراده نعمت و رفاهیت ، عزت و شوکته نائل اوله جکلردی .

جناب حق بنی اسرائیل اقدام و جسارتله تجهیز ایدرک دائمایلری
کشمه لری ، هیچ بروقت قوتلری ، عزم و جلداتلری سوء استعمال
ایتمه لری ، کیرله مهملری ، دشمنلریک یوزینه سقوط و هزیمت حایقیر
مالری امر ایتشدی . و بولده یه هجوم ایتدکری تقدیرده کناهلری
عفو ایدمک ، حسن عملده بولنورلرسه لطف و منتی تزید و اونلری
عنایت الیه یه تأیید ایلیمک و بولده یه نفوذ و شوکتلری توسع ایدرک
اورالک حاکمیتیه صاحب اوله جکلردی . فقط بونفسلرینه ظلم ایدنلر ،
کندیلرینه سویلن سوزلری تبدیل ایدرک حضرت موسایه : «هایدی
سن اللهکله برابر کیت ده حرب ایت ، بز بوراده اوتوراجغز ، اونلر
اوراده بولندقجه اورایه کیرمه جکلر» دیدیلر .

الحاصل جناب حق بنی اسرائیل اقدام و جسارت توصیه ایتمشکن
بونلر جبانته دوشدیلر . خسارندن بشقه بر شی قازانیمه جکلری
بیلدکلری حاله کیری دوندیلر ، کرک مظفریت و سعادتلریک ، کرک
مذلت و شقاوتلریک کنندی لارینه تودیع اولندیغنی بیلدکلری حاله
حضرت موسی نک الالهیه برابر اوچار قوم ایله حرب ایتمی بکله دیلر ،
بناء علیه کندیلرینه موعود اولان رفاهیت و سلطنتدن محروم قالدیلر .
بوندن ماعدا بولندکلری برده استقرار ایدمه یه رک فرار ایتدیلر ،
اراضی مجهوله یه دوشدیلر و اوراده قرق سنه ، سفیل و سرسری
دولاشدیلر .

ایشته بونلرک نفسلرینه ظلم ایدرک اقدام و جسارتله صیانت ایتمه لری
مقابل اوزرلرینه سمان نازل اولان عذاب الهی بودر . هیچ شبهه یزدرکه
الله عذاب ، قبلری ضعیف اولان جبین لره اصابت ایتدیکی کی
لطف و احسانیه اقدام و جسارت کوسترلره ، بلالره صبر ایدنلره موعود بودر .

عجبا بونلرک یاناسز، صوبسز، آتشین چولارده سرسریشملری قدر
تحماسوز بر عذاب تصور اولورمی ؟

جناب حَقِّک جبین اولانلری تعذیب خصوصینده برچوق یوللری
و دررکه هپسَنک نتیجہسی ذلت و مسکنتہ دوجار اولملری، هر طرفدن
تج، زہ اوغراملری، قطعاً رفاه و سعادت یوزی کورمه ماریدر، جبین
اولانہ اک نیوک عقوبت اولق اوزره شویتَرک حیوان کی شونک بونک
ایشی کورمک ایچون تسخیر اولنور، یاخود بر پاچاورا کی قوللائیلہ
قوللائیلہ بارچالانیرکیدر... ولن تَجِد لِسَنَةَ اللَّهِ تَبْدِيلًا .

عبدالعزیزچا ویش

وہابیہ

۳

محمد بن عبدالوہابک اجتہاد مطلق ادعا سندنہ اولدینی و معافیہ
اقوال و معاملاتیہ آثار و ملفہ سنہ نظراً اعظم علمای حنابلہ دن ابن
تیمیہ ایلہ اکا تابع اولان ابن قیمک مسلککری تقلیدایدہرک مشارالہمانک
طریق اعتدالدن انحراف ایلہ وادی افراطدہ کی بنض یا کلاش ذہابلرینہ
قائیدینقی اولجہ ذکر ایتمش ایدم . حالہو کہ شرائط لازمہ اجتہادک
درجہ اہمیتہ و اوصافی حائز ذواتک مفقودیتہ بناءً باب اجتہادک
قرن رابعدن، بلکہ دہ اوآخر قرن ثالثدن اعتباراً مسدود اولدینی
و عالم اسلامیدہ [حنفیہ دن] امام ابو یوسف، محمد بن الحسن الشیبانی،
کرخی، ابن المبارک، حسن بن زیاد، سرخسی، شمس الانعمہ الحلواتی،
قاضیخان، ہدایہ و قدوری صاحباری، صدر الشریعہ، طحاوی، ابن
الہمام، سید شریف جرجانی، زحشری، زاہدی، باقلانی، ابن نجیم،
عینی، زیلعی، صاحب النہر، نسفی، حموی، درالخٹار و درر صاحباری،
شرنبلالی، عبدالحکیم ہندی، [شافعیہ دن] ربیع، بویطی، مرادی،
مزنی، قفال، شیخ الراقین ابوحامد، امام الحرمین جنید بغدادی، غزالی،
رافعی، نووی، فخر رازی، ابواسحاق شیرازی، بغوی، سبکی، بیضاوی،
عسقلانی، زکشی، اسنوی، ماوردی، یحیی، تفتازانی، قسطلانی، محلی، سیوطی،
ذکریہ الانصاری، قاموس و صحاح صاحبی ابن حجر رملی [مالکیہ دن] خلیل
عبدالوہاب، ابن الحاجب، بہرام، زرقانی، محی الدین عربی، قیروانی، دردر
ابن طاشر، ابوجسین الشاذلی، ابوزید، ابن عبدالبر، ابن ہمام، ابن خلدون،
ابن بطلال، بخاری شارحی، برزلی، ابن الطیب [حنابلہ دن] حضرت
عبدالقادر کیلانی، ابن قدامہ، منہی صاحبی، ابن رجب، مرثی، ابن الہوی،
طوقی، بعلی، فتوحی، مرداوی، غایہ شارحی، تلمبی، شوکی، شہاب
الدین المسکری و حتی محمدک کندولرینہ تقلید ایتمش اولدینی ابن تیمیہ ایلہ
الجوزی کہ یوزلرلہ ذوات ظہور ایتمش اولدینی و بونلرک جملہسی

معقول ایلہ منقولی ذاتلرندہ جمع ایلہ غایہ تحقیق و امکانہ واصل اولمش
برچوق آثار مخلدہ علمیہ میدانہ کتیرمش ذواتدن اولدقلری خالہ
هیچ بریسی اجتہاد مطلق ادعا سندنہ بولمیشرق بو سرآمدانک جملہسی
ائمہ اربعہ حضراتی تقلید ایتمشلردر .

ابن تیمیہک نقطہ نظری ذات ساهی جناب رسالتناہی ایلہ اصحاب
کرامک مسلککری بالتعقیب مادہ شرکک جسم و قطعیلہ توحید بارینک
تحقیق و ثبوتی و جناب حقہ اخلاص ایلہ عبادتہ منحصر بولمشلہ توحید
اساسنہ مخالف اولان ہر رحرکی منہیات شرعیہ دن عدایتمش و خلاقک
مقاصد دنیویہ و اخرویہ لرینک تحصیل و تأمین فی فکریلہ انبیانک و
اولیانک و بعض ابرار و اخیارک مراقبہ مبارکہ لرینہ کیدوب انلرہ
بر قدرت مؤثرہنک وجودنی بالاعتقاد آنلردن شفاعت طلب ایتمک
و قبورہ نذرہ بولمقی و اوزرلرندہ قبہ یامقی کی شیلرک احد بن
حنبلک بو مثللو معاملاتی تجویز بیورمش اولدیفندن بحث ایلہ
شرعاً منہی عنہ اولدینقی بیان ایلمش و مقصد عالی حضرت پیغمبریہ
واقف اولان ائمہ اسلاف انبیا و صالحینک قبرلرندہ نماز قلمدقلری کی
انلردن سؤال واستغاثہ دہدہ لوکئامشدر، دیور .

ابن قیم دخی بو پادہ ابن تیمیہہ تابع اولہرق بلاد اسلامیہنک
هر طرفندہ مراقبہ اولیای حین زیارتدہ سجدہ ایتمک و قربان کسمک
واہل قبوردن استغاثہ واستمداددہ بولمقی خصوصاً سندنہ غایت شندتلی
برلسان قوللانہرق شرکک بو مثللو الجوالدن تولد ایتمش اولدینقی بیان
ایلہ دیورک : و قتیلہ کاس جملہسی طریق دین و ہدایتہ سالک ایکن
ابتدالری قبورہ ملازمت و اہل قبورک تصاویرینہ حرمت نتیجہسی
اولہرق طریق حتی غائب ایدوب وادی ضلالنہ صاعمشلردر ازجملہ
ود، سواع، یغوث، یعوق، نسر نام ذوات کرامک و قاتلرندہ تصویرلری
باییلوب حال حیلتلرندہ ایکن او طور دقلری محلہ وضع ایلہ کتیدولرینہ
حرمت اولمشلہ باشلامش و بوضورت معاملہ ایلہ اسباب حرمت مرور
زمان ایلہ اونوتیلہرق کیفیتہ واقف اولان او وقتک السال موجودہسی
منقرض اولدقدن صوکرہ خلق بو اصنامہ عبادت ایتمکک باشلامشدرہ
بالآخرہ جناب حق اناری ایمانہ دعوت ایچون نوح علیہ السلامی کوندردی،
آنر ایسہ رسول مشارالہ حضرتلرینہ ایمان ایتمککندن ہلاک اولدیلر .
صوکرہ عمرو بن عامر بو اصنامی دریا کنارندن اخراج ایلہ عربی انلرک
عبادتسنہ دعوت ایتدی، عربلر دہ اجابت ایلدیلر و دہانہ لرہ نہ لرہ طاہدیلر
ابن قیم بونلردن بشقہ کتب سماویہ دن مقتبس و موحدین ایچون مدار عبرت
اولان دہا بر طاقم وقایع و حادثات تعبدیہ ایلہ استشہاد ایدیلور .

واطفاصل کرک ابن تیمیہ کرک ابن قیم قبورہ تعظیم حقندہ خلاقک
افراطنہ مقابل انلرہ افراط درجہ سنہ جیہرق علی العموم زیارت
قبوری منع ایلہ بالادہ بیان اولدینقی اوزرہ تہلرود قربان کسمک و اہل
قبوردن استغاثہ واستمداددہ بولمقی کی افعالی شرک قبیلندن عد
ایتدیلر . ایشتہ محمد بن عبدالوہاب دخی بو نقطہ دن خط حرکتی